

261
R

DISSERTATIO PHILOSOPHICA
DE

MATRIMONIO CONSCIENTIÆ,

QUAM,

Suffrag. Ampliss. Facult. Philos. in Reg. Acad. Aboënsi,

PUBLICO EXAMINI SUBJICIUNT

JOHANNES
BILMARK,

FACULT. PHIL. ADJUNCTUS

Et

ALUMNUS REGIUS

JONAS BILMARK,

WESTRO-GOTHI.

Die VI. Junii, Anni MDCCLXI.

L. H. Q. A. M. C.

ABOÆ,

Impress. JOH. CHRISTOPH. FRENCKELL.

DISSEMINATIO HISTORICA
MONSIEUR
Le BARON
**VOLTER REINH.
STACKELBERG,**
MAJOR GENERAL & COLONEL
du Regiment de la Noblesse Cavalerie,
CHEVALIER & COMMANDEUR
de l' Ordre de l' Epée,
MONSIEUR,

KANSALLIS-
KIRJASTO

Rien n'est plus commun, que de voir les personnes, qui cultivent les belles lettres, aller rechercher la protection de ceux, qui par la Providence Divine & par leur grands mérites sont parvenus aux plus hauts emplois. Les Muses langviroient toujours, si l'éclat des personnes illustres ne diffusoit quelquefois l' obscurité,

rité, à la quelle elles sont reduites par la rigueur de la fortune. Vous êtes, MONSEIGNEUR, du nombre de ces personnes, qui protègent les sciences, & qui reçoivent avec bonté les hommages de ceux, qui les cultivent. Cette perfection est le seul & digne objet de mon attention; car je ne saurois m' étendre suffisamment sur Vos autres actions, qui sont si éclatantes, & en si grand nombre, que pour les comprendre toutes, il faudroit faire un ample Panegyrique au lieu d'une simple lettre. Mais c' est précisément blesser la modestie, dont Vous faites une profession si digne de louange, & qui par cette même raison Vous rend encore plus recommandable. Malgré mon admiration secrète de toutes Vos belles qualités, les obligations infinités, que mes Parens & moi Vous avons, & dont nous ne saurons nous acquitter, m' obligent à Vous offrir ce petit ouvrage Académique comme la moindre marque de ce que nous Vous devons, MONSEIGNEUR, & comme un garand de notre attachement respectueux. Recevez donc, MONSEIGNEUR, je Vous en supplie, avec la générosité, qui Vous est ordinaire, cette légère preuve de la vénération très profonde, avec laquelle je serai, tant que je vivrai

MONSEIGNEUR

Votre très humble & très obéissant
Serviteur
JONNE BILMARK.

VIRO Admodum Reverendo atque Praeclarissimo
**D:NO MAG. ANDREÆ
VICTORIN,**
PASTORI Ecclesiæ, quæ DEO in Fogelås colligitur,
Meritissimo,
AFFINI HONORATISSIMO.

Scripta juvant arguta quidem, plus hisce placebunt
Sed quæ virtutis rore rigata satis.
Casta placent superis; his sed contraria fordan,
Si vel Castalio flumine tota madent.
Judicium, sic spero, Affinis amande, probabis,
Qui sic ingenio quam probitate vales;
Virtutis solers aliis compendia monstrans,
Fronte meum facili respiciesque librum.
Debeo multa Tibi, tot sunt mibi praestita dona,
Quot celebrare satis parva Thalia nequit.
Ergo ne ingratus dicar, libamina prima
Trado Tibi, & pectus, quod pietate calet.
Usque Tibi ducant felicia stamina Parcae,
Et veniant fausto sera senecta pede.
Usque Tuum serves, rogito, mihi firmus amorem;
Sic ego non uno nomine prosper ero.

HONORATISSIMI NOMINIS TUI


Observantissimus Cultor

JONAS BILMARK;



I. N. J. C. A.

PRÆFATIO.



E Apelle memoriae produnt Scriptores, quod Antigoni, Asie Regis deformitatem, altero oculorum amissio contractam, in imagine ejus celaturus, hanc ita constituerit, ut vitium corporis adjecta tegeretur umbra. Ingeniosum omnino inventum, nec in rebus ludicris admodum vituperandum. In justam vero reprehensionem incurront, qui non solum gravibus fere polluant sceleribus, sed etiam qui vitiiorum turpitudinem speciosis adeo palliant nominibus, ut simplicioribus fucum saepe faciant. Immo cum hinc tanto non polleant ingenii acumine, ut in nucleus rationum penetrare atque opinionum lacertos aggredi valeant, verborum præstigiis atque exemplorum auctoritatibus ita circumveniuntur, ut dum

A

ipsam

ipsam complecti virtutem sibi videntur, in horrida
vitiorum barathra non raro incidant. Taceo jam
fabulas Romanenses, quarum multæ intemeratam
celebraturæ amicitiam, philtra incautis propinan
lectoribus, Circæis pestilentiora poculis. Dogma
autem expendere juvat tanto majoris momenti,
quanto arctiore cum bonis moribus & salute ci
vitis habeat nexum. Scilicet haud paucis arrisit
conjugii quoddam genus, quod *Matrimonium Con
scientiæ* vocari sivevit. Crederet facile quispiam,
statum hunc, qui adeo exquisito eminet nomine,
rationem optimam continere, conscientiam fartam
tectamque fervandi. Et certe fuerunt Philosophi,
eruditionis laude clarissimi, qui matrimonium hoc
ad rationis trutinam examinantes, salva conscientia
idem iniri posse, conquisitis undique argumen
tis ostendere sunt annisi. Verum, nimium ne cre
de colori. Nobis certe nunquam probari potue
runt scripta, quantumvis speciosa, quæ ad immi
nuendum pretium, virtutibus ac bonis moribus
statuendum, conspirant (a). Malumus enim in
tali negotio parum eruditæ haberi, quam modestiæ
limites migrando, teneram alicujus offendere con
scientiam. Habet ita, Benevolæ Lector, rationem
instituti, cur in examinanda matrimonii Consci
entiæ moralitate ingenii vires periclitari voluerimus;
speramus vicissim Te pro ea, quæ ingenuos de
cet, æquitate, meditationes has veritati, saltem
probitati, maxime convenientes, in meliorem
partem interpretaturum.

(a) Egre-

(4) Egregia omnino sunt verba de BOILEAU in Oper.

Tom. IV. p. m. 169. Le soin qu' on prend de couvrir les passions d' un voile d' honnêteté, ne sert qu' à les rendre plus dangereuses. Ainsi voilà ces auteurs au rang des Empoisonneurs.

§. I.

Antequam ad ipsum institutum nos accingimus, quædam de legibus ac conscientia erunt præmittenda, ut intelligatur, an matrimonium Conscientiæ in illis firmum habeat præsidium. Lex igitur continet præcepta, determinantia actiones vel suscipiendas vel omittendas. Quæ si cognoscamus ad naturæ nostræ indolem attendendo, Lex dicitur Naturalis. Sin vero actionum nostrarum regulæ ex decretis imperantium solummodo innote- scant, Leges Positivæ vel Divinæ vel humanæ nuncupantur, prout Legislator aut DEUS fuerit, aut homo. Quemadmodum porro singula legis N. de- creta optima esse experimur; ita originem ejus non aliunde, quam ab omnis bonitatis Scaturigine, Summo Numine, esse repetendam, satis animad- vertimus. Legem proinde naturalem jugiter esse observandam, inficias iterum credimus neminem, nisi impudentissimum forte ac salutis suæ negligens- tissimum Atheum. Atque idem omnino est tenen- dum de observantia Legum Divinarum positiva- rum. Immo facili ostendi potest negotio, quod qui legibus civilibus non obtemperant, Leges Di-

vias tam naturales, quam positivas transgrediantur. Cum enim ipsæ partim rectam legum naturam adlicationem ad casus obvios doceant, partim vero has dilucide explicit, quorum omnium ignorantia mortales in incommodorum præcipitia facile ruerent, cumque adeo omnes & singulæ ad felicitatem nostram promovendam, velut ad centrum suum, collineant; vel hinc colligi potest, aratum adeo inter leges naturales ac civiles intercedere nexus, ut qui has sancte non observat, illas simul transgrediatur. Porro Lex Naturalis jubet paœta omnia & conventa servare. Constitutio autem civitatum nititur pacto, inter Principem & ciues inito, vi cuius Princeps curam salutis civium agit, hi autem vicissim sese obstringunt, mandatis Principis sui convenienter vivere. Qui igitur in obedientia legibus civilibus præstanta tergiversatur, pactum civitatis cardinale transgreditur, adeoque legem etiam naturalem contemnit. Præcipue autem leges Divinas revelatas violat, cui leges ejudere civiles, nulla est religio. DEUS enim Rom. XIII: 1. & 1. Petr. II: 13, 14. nec non aliis passim locis expresse præcepit, obedientiam præstare legibus civilibus non uni, sed singulis (*a*). Paucis: quemadmodum homo rationalis est, sive a DEO immediate creetur, sive ab homine generetur; ita lex, si lex est, semper obligat, quisquis tandem sit Legislator (*b*). Pudeat certe Christianos aliter sentire, cum sapientiores gentilium haud immerito statuerint, leges civiles Divinæ originis esse. Hinc De-

Demosthenes: Legi parere decet, cum propter multa, tum maxime, quia omnis lex inventum sane & donum est Deorum (*c*). Atque Cicero: Lex nihil aliud est, nisi recta & a Numine Deorum tracta ratio imperans honesta, prohibensque contraria (*d*).

- (*a*) Vid. BUDDEI *Institut. Theol. Moralis Part. II. Cap. I. §. 19. p. m. 320.* (*b*) Confr. DANNHAVERI *Collegium Decalogium p. m. 912.* (*c*) Vid. *Oration. I. in Aristogitonem.* (*d*) Vid. *Orat. Philipp. II.*

§. II.

Actionem quandam suscepturni, illam prius ad tenorem legum sive Divinarum sive humana- rum examinare debemus §. I. Judicium autem animæ de moralitate actionis, hoc est, de ejusdem vel convenientia cum lege vel discrepantia ab eadem, dicitur *Conscientia*. Ratiocinatio hæc de indele actionis vel suscipienda vel suscepta ex duabus sequitur propositionibus, quarum major continet decretum legis, minor vero sistit ipsam actionem; adeoque ista non magis in nostra est potestate, quam in Logici adcurati arbitrio est positum, ex justis præmissis conclusionem, quamecumque voluerit, elicere; verum, præmissis factis, quæ mens adprehendit, ipsisque ad legum normam relatis, ejus desuper judicium necessario etiam sequitur. Qui porro nihil agit, nisi quod præceptis interni hujus judicis sit congruum, bonæ conscientiæ studere dicitur; cuius hic est fructus, quod inter quasvis æ-

rumnas grata animum exhibaret transquillitas & serenitas, adeo ut adversæ fortunæ injurias non magis metuamus, quam gravibus furentis Æoli tempestatibus almus perturbatur Phœbus. Quid? Quod ipsa efficiat, ut deliciosius vivat etiam is, qui teruncium in orbe non habet, quam qui vel divitiis Crœsi circumfluit, vel ostro dormitat Sardanapali. Conscientiam vero suam lædit, qui cunque legum præcepta non observat, adeoque vel prohibita temere facit, vel facienda per socordiam neglit. Immo eandem lædit, qui ex errore sibi persuadet, peccatum non esse quod agit. Meritas etiam transgressionis legis pœnas ipse luit. Esto enim, quod flagitia sua adeo occultare valeat, ut in nullius perveniant notitiam; esto etiam, quod nullam exprobationem internam aliquamdiu sentiat, scintillam tamen justi, sub voluptatis favilla latentem, penitus extinguere non valebit, quin eadem subinde conscientia, veterno velut excuslo, protervum hominem pravitatis convincat primum, mox condemnatum ut carnifex & tortor valentissimus rigidissimis suppliciis, recordatione malefacti, angore animi, pœnæ metu semipaternæ vexet, cruentet, excarnificet. O! Judicium, O! severitatem. Cum vero de his disquiritur, quosdam objecisse memini, quod, quamvis mediocris fortis homines leges civiles salva conscientia transgredi nequeant; ipsi tamen Principes, aliique viri illustres, quos a legum repagulis celsa ipsorum dignitas eximit, leges a se conditas, si ipsis ita videnta-

deatur, sine l^esione conscientiæ interdum negligere possint. De viris, quantumvis nobilibus, civiliter tamen imperio subjectis, falso ista adseri, quilibet animadvertisit. Qua autem quælo fronte Princeps cives illos ob violationem legum suarum puniendos curabit, quos ad peccandum pravis suis invitat exemplis? Aut qua ratione integrum servabit conscientiam, qui p^ræcepta decori migrans, bonam famam parum curat, quiq^{ue} ipso ostendit opere, se in honorum fastigio constitutum adfertuum suorum esse mancipium?

§. III.

His breviter p^ræmissis, sponte quasi sua jam devolvimur ad indolem Matrimonii conscientiæ expendendam. Quemadmodum igitur matrimonium, generaliter sumtum, est societas maris & feminæ subolis procreandæ ac educandæ causa inita; ita idem *Legitimum* tunc censetur, si omnia in ipso ineundo requisita, quæ p^ræscribunt leges, observaverint conjuges. *Matrimonium* vero *Conscientiæ* juxta definitionem, quam tradit Cel. WILLENBERGIUS (*a*), est conjugium occulta conjugum fide, de qua aliis non constat, in finem veri conjugii contractum, ut conjuges indissolubili vinculo sibi invicem cohabitent, sed de mutua fortuna æqualiter non participant, neque liberis ex se natis jura aliorum liberorum permittant. Vel brevius juxta Joh. Nicol. HERTIUM (*b*): est conjugium inæquale, quod clam & sine solemnibus concubitus mutuæque cohabitationis causa contractum

sola conjugum fide sustinetur. Vocatur autem Matrimonium conscientiae, quod sola conscientia seu scientia contrahentium nitatur, nec aliis hoc patetum innotescat: immo quicquid speciem conjugalis federis habere potest, alio vestitur nomine, anxieque carent, ne coram aliis conjuges esse videantur, qui tales revera facti sunt. Quo quidem intuitu conjugium hoc matrimonium clandestinum a nonnullis haud inepte dicitur. Ex his igitur constat, quod matrimonium C. a conjugio generaliter sumto, saltem quod ad primam hujus partem nihil differat; in eo tamen a legitimo discrepat matrimonio, quod in hoc ex tenore legum omnibus sint cognitae personae, quae de liberis suscipiendis ac educandis mutuam dederunt & acceperunt fidem; in matrimonio C. autem maritus & uxor prorsus ignorentur. Porro cum *Matrimonium ad Marganaticam* fiat solemniter & cum ritibus ecclesiasticis non vero cum effectibus civilibus, matrimonio legitimo addi solitis, ut recte observat CEL. BOEHMERUS (c); qua ratione hoc conjugium a memorata differat cryptogamia, neminem fugere potest. *Matrimonium* denique ad Thalac est foedus inter marem & feminam initum, quo se se ad officia conjugalia hac conditione obstringunt, ut mas feminam, elapo certo tempore, vel quando ipsi videatur, dimittere queat. In multis igitur conveniunt matrimonia ad Thalac & Conscientiae; in eo tamen differunt, quod illud sit temporarium, hoc autem, saltem ex tenore definitionis, perpetuum habeatur.

(a) *Confr.*

(a) Confr. Dissert. de Matrimonio Conscientiae §. XV; p.
m. 312. (b) Vid. Tract de Matrimonio insepar. & conscient.
Sect. 2: §. 1. (c) Vid. Ius Ecclesiasticum Protestantium Tom.
III: Libr. IV. Tit. III: p. m. 1307.

§. IV.

Ndolem matrimonii C. allata §. III. definitio, nec non cum aliis conjugii speciebus instituta comparatio quodammodo declarant; ut vero ipsa plenius intelligatur, officia personarum, in statu hoc conjugali viventium paucis, & quidem ad dictum Auctorum, qui connubium hoc vel explicarunt, vel defenderunt, evoluta dabimus. Quid illi observare ac sibi præstare debeant, qui legitimum contraxerunt matrimonium notius est, quam ut idem persequi jam sit necessarium. Cum his in eo præcipue convenienti personæ, matrimonium C. invenientes, quod sese obligent ad amorem, ad concubitum atque mutuum præstandum auxilium, quodque hæc obligatio nonnisi morte alterius conjugis dissolvi debeat. Discremen tamen in ipsis conjugij auspiciis fatis magnum deprehendimus; cum matrimonia legitima solemniter, connubia C. autem clandestino modo contrahantur. — Scilicet in dicta cryptogamia vel datis solummodo dextris mutuam pollicentur fidem, vel etiam foederis sanctitatem & constantiam jurejurando aut scriptis, sed remotis omnibus arbitris, confirmant. Hinc ex sententia WILLENBERGII (a) datae fidei implementum cuiusvis conscientiae committitur, ut nec instrumen-

tis opus sit, quibus capita foederis probarentur, aut ab illis recedens obligationis suæ convinceretur. Sicut porro uxor dignitatis mariti, matrimonio C. secum juncti, partieps non redditur; ita nec eundem, aliis præsentibus, familiariter compellabit, sed pro sua dignitate ipsum & salutabit & venerabitur: contra ea vir conjugem suam vel gubernatricis vel consanguineæ vel denique œconomæ cujusdam loco habet. Ex natura etiam matrimonii C. sequitur, quod conjuges subinde quidem communibus utantur laribus, plerumque tamen diversas sibi constituant sedes; ne pactum connubiale, cuius vis, saltem elegantia, in pertinaci consistit silentio, ipsis ingratissimis, prodatur. Curam educationis liberorum Pater in se raro suscipit, sed eandem vel uxori vel aliis committit, ipse solummodo quæ ad viçum & amictum sunt necessaria ex stipulatione clam illis suppeditans. Quid? Quod uxor nec sibi nec liberis suis, marito defuncto, partem bonorum relictorum vindicare possit, nisi opes quasdam testamento ipsis legaverit (b). Denique si alter conjugum deceperit, superstes nec togam induit pullam, nec doloris quadam signa ostendit, neque curam funeris ipsius ullam agit. Verbo: amor conjugalis personarum, quæ matrimonium C. iniverunt, extra thalami delicias fere conspiciendum non præbet.

(a) Confr. *Differ. Ejus citat.* §. XXI p. m. 315. (b) Vid. *Eur.* HIBERI libr. de jure Civitatis p. m. 382. atque Ger-

Gerhard. FELTMANNI Tract. de Impari Matrimonio Part. I.
p. m. 40.

§. V.

Matrimonium vero Conscientiae, cuius indeolem habemus exposuimus, si omnes, quæ illud comitentur, circumstantiae simul, uti par est, in censum veniant, cum lege Naturæ non satis convenient. Vi enim hujus legis conjuges obligantur ad subolem procreandam & educandam §. III. Priorem officii conjugalis partem exsequuntur omnino personæ, dicto Matrimonio junctæ; alteram vero, quæ minoris non est momenti, quippe sine illa liberi inutilia tantum terræ pondera fiunt, plerumque negligunt. Pater enim educationis curam effugit, quam industriae ac fidei aliorum committit §. IV. Cum vero in his non reperiatur tenera illa *soror*, benevolentiae paternæ fons & scaturigo, liberi præterea paternis exclusi laribus in alienis plerumque delitescant domiciliis, ubi neuter parentum adcuratam institutionis rationem sibi reddendam curat, ne sollicito hoc examine societas conjugalis prodatur; quisque facile intelligit, educationem, quam obscuri hi liberi accipiunt, raro optimæ esse notæ. Verum quidem est, quod Pater bona quædam liberis suis clanculum suppeditet §. IV; sic tamen patris muneri non satisfecit, cum ipsi nihilominus perverse nutritri ac institui queant. Paucis: si liberi hi bona interdum fruantur educatione, casui potius, quam parentum studio erit ipsa tribuenda. Cum igitur ex dictis colligere liceat,

quod in Matrimonio C. potior habeatur ratio voluptatis conjugalis & procreationis subolis, quam hujus educationis; certum est, matrimonium C. cum lege Naturæ non convenire (a).

Schol. Ut hoc argumentum eludent dissentientes, educationis negotium uxori committendum esse censem. Sicut autem in Matrimonio legitimo, quæ tantis sufficient curis, paucæ reperiuntur uxores; ita in Matrimonio C. impares omnino sunt arduo huic muneri rite obeundo, cum propter alias rationes, tam in primis quod liberos domi retinere non audeant, ne, pignoribus his agnitis, reticentiam conjugibus promissam, Amyclæ inexpugnabiliorem, invitæ fallant, prodantque (b).

(a) Vid. SCHUBERTI Philos. Præf. S. 1479. p. m. 475.
Cui addas HEINECII Jus Nat. & Gent. Libr. II. S. 27.
p. m. 368. (b) Haud incommodè hoc applicari possunt
verba De MONTESQUIEU in libro De l' Esprit des Loix, Tom.
III. Liv. XXIII: C. 2: p. m. 3. La mere, à qui l' obligation
reste de nourrir & d' élever les enfans, trouve mille
obstacles, par la honte, les remords, la gène de son
sexe, la rigueur des loix; la plupart de tems elle manque
de moyens.

§. VI.

Nec Matrimonium C. cum legibus Divinis positivis
convenit. Postquam enim summus rerum omnium Monarcha Eum cum Adamo Matrimonio junxisset, quasdam simul condidit leges, in statu conjugali observandas. Has inter merito referimus, quod maritus deseret patrem & matrem, atque adhærebit uxori suæ. Gen. II: 24. quod præce-

ceptum etiam urgetur a Salvatore nostro Matth. XIX: 5, 6. Quibus verbis perpetuam conjugum cohabitationem stabilitam voluit Optimus DEUS in faciliorem liberorum educationem ac svave levamen molestiarum in hoc statu devorandarum, sed per animorum ac voluntatum convenientiam minuendarum. In Matrimonio C. autem maritus & uxor diversis plerumque utuntur sedibus, & mutuam fortunam parum adeo participant §. III, ut praeter thalamum nihil fere commune habeant §. IV. Quemadmodum igitur de Thracibus prohibetur, quod triginta dierum inducias cum Boëtis paci, easdem interdiu quidem observaverint, noctu autem violaverint (*a*); ita contra videntur personæ, Matrimonio C. junctæ, non dierum sed noctium solummodo iniisse societatem. Quocirca præceptum Divinum de individua conjugum cohabitatione cavillantur & transgrediuntur. Si qui vero forent conjuges, communibus utentes lari bus, uti Matrimonium C. non ejusdem omnino est generis, non sic tamen leges Divinas ad ungvem observant. Ex harum enim legum tenore requiritur, ut liberi Matrimonium nunquam contrahant, nisi impletato parentum consensu, Exod. XXXIV: 16. Deut. VII: 3. Qui vero nuptiis delectantur clandestinis, nec parentes, nedum alios, parentum loco habendos, consulunt, quippe quod natura hujus Matrimonii non ferat §. III; quare rursus patet, quod Matrimonium C. ineuntes, leges Divinas positivas violent (*b*).

(a) Conf. EPHORUM apud Strabon. Libr. IX. (b) Hinc
B. LUTHERUS in Com. ad Gen. XXXVII. p. m. 17. Ta-
les scrupuli perpetuo exigitant conscientiam; Ego tamen
duxi eam invitis parentibus. Da kommt darnach das
frauen im Nacken, das schwarz böse hündlein der Revling,
das heißt dem lebtag, hört nicht auf, etiamsi remissum sit
peccatum.

§. VII.

Matrimonium quoque conscientiae gentium tantum non omnium cultiorum institutis ac legibus repugnat. Hac propositione non id intendimus, benedictionem sacerdotalem apud quoslibet populos in Matrimonii contrahendis fuisse receptam, sed eadem solemniter, ex institutis Principum, præsentibus parentibus, propinquis vel amicis esse celebrata, adeo ut futuri conjuges omnibus innotescerent. Scilicet salus reipublicæ requirit, ut quemadmodum in aliis conventis, ita in arduo hoc negotio, quod generis humani seminarium atque felicitatis civilis præcipuuſ est cardo, ceremoniæ quædam obseruentur, ut singula honeste ac decenter fiant. Ponamus autem clandestina in civitate gliscere Matrimonia, ordo simul familiarum convelleretur, nec liberi parentes suos agnoscerent, a quibus in spem patriæ & publicum commodum sunt educendi. Nulli quoque certi forent heredes, quorum ignorantia continuæ orirentur de bonis defunctorum disceptationes, quibus respublica graviter concuteretur; immo incerta forent omnia jura, quæ ex Matrimonio in statum redundant civilem. Publica igitur

tur salus postulat, desiderat, præcipit, ut societas conjugalis certis temperetur legibus. Hoc ita factum esse, Historia omnis ævi condocet (*a*). Sic CECROPS, antiquissimus Atheniensum Rex, vagam civium suorum, quæ pridem fuerat, libidinem abominatus, Νομοθετὴ τῷ γνωστῷ τῷ γάμῳ τῷ ναίματι λέγει: *Et legibus constituit mulieribus nuptias legitimas* (*b*). PLATO voluit, ut Principes dirigerent priatorum conjugia: quod ipsius præceptum adeo Lacedæmoniis arrisit, ut, juxta ipsorum instituta, futuri conjuges Magistratum peterent suffragia (*c*). A Græcis ad Romanos transitum facientes, leges quasdam Matrimoniales a senatu, sed populi scito, latae, &c, quamdiu integra maneret respublica, probe fatis observatas fuisse reperimus (*d*). Auspices enim primum consuluerunt; sine quorum decretis inauspicata sibi ominabantur conjugia (*e*). Præterea sicut solemnis *deductio in iugalum* a Judæis fuit recepta; ita Romani cum aliis ceremoniis, tum *publica in domum deductione* utebantur. Immo Censorum fuit officium, ut in vitæ civium rationes, ita in Matrimonio eorum aciem mentis intendere, ut leges observarentur (*f*). Invalescentibus autem in republica vitiis, honesta & legitima fastidiebantur Matrimonia, adeo ut Quirites tempore AUGUSTI, conjugiis clandestinis, Matrimoniis C. sequentis ævi parum dissimilibus, admodum delectarentur (*g*). Aliarum pariter gentium leges & instituta, quibus ordinem in Matrimoniis contrahendis promotum voluerunt, exponeremus, si instituti

ratio & proposita brevitas talem permitterent disquisitionem. Patriæ tamen dulcissimæ memores, paucis explicemus, quid exquisitissimæ nostræ leges in præsenti constituant negotio. Prævio igitur libero conjugum consensu, impletatisque parentum & cognatorum suffragiis (*b*), celebrantur sponsalia, præsentibus quatuor testibus (*i*). Deinde futurum connubium publice denuntiandum in parochia, cujus membrum est sponsa, tribus diebus Dominicis, nisi necessitas aliud postulet (*k*), quibus adhuc Hierologia accedat necesse est. Hisque peractis, matrimonium censetur legitimum. Sin vero hi ritus negligantur, velut in matrimonio C. fieri solet, societas ista concubitus nomine venit, personæque dum innotescunt, pœnis mulctantur civilibus. Patet adeo, quod Matrimonia clandestina politiorum gentium legibus ac institutis repugnant.

COROLL. Quoniam igitur Matrimonium C. ineuntes, leges civiles quæ voluntati Divinæ non contrariantur, sed ad evitandas turbas ac decorum & bonum ordinem constituendum tendunt, transgrediuntur; leges quoque Divinas tam Naturales quam positivas, saltem indirecte, violant §. I.

(*a*) Adstipulatur nobis HORATIUS, sapientiam a pud veteres fuisse canens: *Concubitu prohibere uago, dare iure mariti,* Vid. Art. Poët. v. 398.⁴ (*b*) Confr. Joh. ZETZIS Cibil. V, Hisp. XVIII. (*c*) Vid. De MONTESQUIEU Libr. cit.

Tom. III. C. 7. p. m. 7. (d) *Vid. DION. CASSII Histor. Libr. LVI.* (e) *Vid. VALLERII MAX. Libr. II. C. 2: §. 1.* (f) *Confr. Tit. LVII Histor. Rom. Libr. LIX.* (g) *Vid. De CREVIER Histoire des Empereurs Tom. I. passim.* (h) *Vid. C. I. §. VI. Gist. B.* (i) *Vid. C. 3. §. 1. Ejusdem Tit. L. L. 15. §. 10.* (k) *Vid. C. 7. §. 2. Gist. B.*

§. VIII.

Cum vero non satis sit, sententiam quandam iudicis vindicasse argumentis, sed insuper requiratur, ut rationes dissentientium ad vivum recessentur; paucis perpendamus, quomodo allatæ demonstrationis vim eludere satagant, qui Matrimonio C. patrocinantur. Scilicet ad argutam confugiant distinctionem, contendentes, illas personas dictum Matrimonium contrahere non debere, quæ legibus subsint civilibus, sed hanc libertatem illis tantum adserendam, quibus potestas competit legislatoria (a). Facile autem, vel me non monente, agnoscis Benevole Lector, ad quantas incitas sedacti sint adversarii nostri, inepta hæc querentes asyla, quamque pauci, stante eorum hypothesi, rite vel dudum contraxerint, vel etiamnum contrahant hoc Matrimonium. Enimvero hæc opinionum lilia in Regum ac Principum palatiis, quæ virtutibus commendantur, nequaquam sunt fereda. Quamvis igitur Princeps legibus, a se latis, non teneretur, conscientiam tamen laederet, si exemplo suo ansam civibus præbeat, easdem transgrediendi §. II. Quod sane fiet, si Matrimonium C.

verbis quidem condamnet, ipso autem facto adprobet. Præterea cum femina sequioris ponatur conditionis, quam maritus §. III. ipsa profecto ad legum civilium tenorem vitam suam instituere debet, adeoque per §. præced. Matrimonium Conscientiæ, viro utcunque illustri ipsam ad hoc solicitante, si rationis decreta potius, quam affectuum sequatur impetus, nequaquam inibit. Urgeat autem quispiam, Principem posse dispensare contra leges Iatas, adeoque feminam, facta dispensatione, esse in statu naturali quod ad Matrimonii negotium. Sed ex doctrina constat Morali, quod proba dispensatio requirat in persona, ipsam receptura, antecedentia vel in Principem vel in rem publicam merita, & quidem tam eximia, ut paucissimi paria præstare valeant. Femina vero, quamcum Matrimonium C. contrahit Princeps vix quidquam possidet præter venustam formam atque elegantes mores, quorum relatio ad florem totius civitatis nulla est; adeoque ingenua quælibet virgo merito dubitabit, an dispensatio vel rite ipsi dari, vel salva conscientia recipi queat. Sed quid opus est multis? Dudum ostendit *Cel. BOEHMERUS*, quod illi, qui Matrimonium C. personis, in statu naturali viventibus, tantum permittunt, genuinum controversiæ statum deserant, cum illius moralitatem exposituri, ad homines in statu civili constitutos omnino adtendere debeamus (b).

(a) *Vid. S. F. WILLENBERGII Diff. citat. §. XXXV.
p. m.*

p. m. 326. nec non KOEHLERI *jus sociale & gent.* §.
368. p. m. 26. (b) *Confr. Libr. & Tom. citat.* §. **LVII.**
p. m. 1305.

§. IX.

FAndem fere tibiam inflant, qui causantur, hi-
erologiam reliquaque ceremonias non ad sub-
stantialia, sed ad formalia Matrimonii pertinere;
indeque concludunt, ad rhombum nihil facete, si-
ve quis ad hæc attendat, sive non; modo illa ju-
giter observentur. Verum nec hæc ferenda est
conclusio. Quamvis enim omnibus promiscue ce-
remoniis idem non sit statuendum pretium, illas
tamen, quæ ad salutem & tranquillitatem civitatis
tendant, semper esse observandas, ipsa Lex natu-
ralis quemvis condocet; quare etjam Princeps ha-
rum observantiam a singulis civibus pro substratis
exigere potest negotiis. Qui igitur has, utpote quæ
ex Principis mandato legum naturam induerunt,
temere negligunt, negligunt autem quotquot Ma-
trimonium C. ineunt. §. VII; leges cum civiles tum
naturales violent §. I. Esto itaque, quod solemni-
a ad Matrimonii essentiam non spectent, pertinent
tamen ad ejusdem legitima, adeoque fallunt & fal-
luntur, qui eadem indifferentia esse cavillantur.
Ponamus vero adhuc, substantialia sola in Matri-
monii negotio esse observanda. Quoniam igitur
Matrimonii essentia consistit in subolis procreatio-
ne & justa educatione §. III; hinc ne sagacissimus
quidem Oedipus plene demonstrabit, societatem

hanc ad mortem usque alterius conjugis duraturam. Si enim temporarium fœdus essentiae Matrimonii repugnaret, idem nunquam juste dissolvi posset, quod tamen absolum. Ut reticeam, quod pleraque argumenta, quibus perpetuitas Matrimonii in foro Philosophico vindicari solet, parum stringant, vel conjugibus in divortium sponte consentientibus, vel conjugio sterili, vel liberis denique ætate adeo proiectis, ut propriam constituant familiam (*a*). Pari igitur, hoc est iniqua prorsus ratione cum Patronis Matrimonii C. colligerem, Matrimonium, cum conjugibus ita videatur, salva conscientia dissolvi posse. At isthæc opinio & legibus Divinis positivis & civilibus repugnat; quare ex eodem fundamento male omnino coharent nuptiæ clandestinæ.

(*a*) Vid. J. E. SCHUBERTI *Philos. Præg.* SS.
1537. 1538.

§. X.

Ultterius Matrimonium conscientie tam moribus populi DEI, quam praxi in Ecclesia Christiana jam pridem receptæ contrariatur. Namque ut omnibus innotescerent personæ, Matrimonium inituræ, sponsalia prius solemniter celebrabantur, quam ipsum absolvebatur conjugium. Sin vero circumstantiæ illa subinde non permitterent, nuptias tamen, quibus intererant parentes, si modo in vivis essent, cognati & amici, non negligebant. Evolvas His-

storiam Sacram, inveniesque in vitis Patriarcharum & Regum plurima sententia nostræ argumenta. Benedictionem in negotio tanti momenti non quidem omissam, sed nec modo, apud nos recepto, peractam, verum a parentibus plerumque administratam fuisse, eadem historia luculenter docet (*a*). In Novo Fœdere varia similiter hilaria in contrahendis Matrimoniis fuisse adhibita, vel nuptiæ Canænse, quibus interfuit Salvator, satis ostendunt. Adsum quoque indubia argumenta, ex quibus colligere licet, conjugia inde a primis retro seculis sine prævio Episcoporum consilio a Christianis non fuisse inita, benedictionem sacerdotalem usu receptam, aliasque infuper ceremonias, vi constitutionum ecclesiasticarum, observatas. Quæ omnia judicabantur necessaria, partim ut illicita evitarentur connubia, partim quoque impediretur, ne Christianus cum femina gentili, aut vice versa, clanculum conjungeretur. Testem hujus habemus maxime idoneum, IGNATIUM, qui interventum Pastorum ursisse videtur. Ita enim scribit: "Decet enim, ut & ducentes uxores & nubentes cum Episcopi arbitrio & ex ejus sententia conjungantur, ut nuptiæ juxta præceptum Domini sint, non autem ad concupiscentiam (*b*)."
Similiter TERTULLIANUS; Scriptor & antiquissimus & gravissimus, satis declarat, quo loco habita fuerint suo ævo Matrimonia clandestina: "Et inde pœnes nos, ait, occultæ quoque conjunctiones, id est, non prius apud ecclesiam professæ, juxta mœ-

mœchiam & fornicationem judicari periclitantur, (c). Eodem prorsus modo ad cetera pergere possem secula; ostensurus, illa tantum Matrimonia a Christianis honesta fuisse habita, quæ palam, & quidem consensu parentum ac consilio antistitum ecclesiarum contrahebantur, nisi mihi otium in hoc negotio fecerat acutissimus BOEHMERUS, dignissimus, qui in hoc consulatur argumento (d). Patet igitur, quod ne illi quidem, qui exempla, ceu vitæ regulas sequuntur, modo proba eligant, Matrimonia clandestina inire debeant.

(a) Vid. SELDENI *Liber de uxore Hebreæ*. (b) *Contra Epistolaem epistolam ad POLYCARPUM*. (c) Vid. *Dissert. de clandestina defensione in J. E. Prot. Tom. III.*

§. XI.

Matrimonium conscientiae parum adeo differt a concubinatu, ut pro hujus potius, quam legitimi conjugii specie haberi debeat. Ex definitione enim GLAFFEYANA (a) concubinatus est, quo vir cum femina, sola liberorum procreandorum causa ita jungitur; ut hæc justæ uxoris juribus non fruatur. Hic igitur & Matrimonium C. in sequentibus potissimum convenient. I:mo Personæ contrahentes sunt in hoc inæqualis plerumque conditionis §§. III. & IV; velut in illo esse solent. II:o Neque hoc, neque ille desiderat solemnia ecclesiastica & civilia. III:tio Uxor clandestina, æque ac con-

concubina, juribus legitimæ conjugis non fruitur; sed illud tantummodo salaryum utriusque porrigitur, quod sibi a viro ante fuit præstolata, quam corporis sui potestatem ipsi fecit. 4:to Si Matrimonium C. paulo attentius expendamus, remoto specioso innocentiae fuso, qui multis imposuit, satis deprehendimus, liberorum procreationem & voluptatis conjugalis fruitionem esse præcipuam causam, quare illud debito modo non contrahatur; si quidem pater curam educationis liberorum nullam ferme, velut in concubinatu sit, gerat §§. IV, V, officio se functum ratus, si ad victimum & amictum necessaria illis suppeditaverit. 5:to Cum Matrimonium C. pacientes ab omnibus ignorentur, nec uxor maritum prodere debeat §§. III. & IV; sequitur, quod in hoc, velut in concubinatu, pater non innotescat. 6:to Jure civili liberi, conjugio clandestino pregnati, & que pro illegitimis haberí solent, ac concubinarii, nisi Principis gratia ex postfacto hanc cohabitationem legitimaverit; qua impetrata, liberi jam nati per indirectum legitimi evadunt (b). 7:mo Matrimonium denique conscientiæ, velut concubinatus dissolvi potest. Promittunt quidem sibi invicem conjuges perpetuam fidem. Sed quoniam cum hominibus perfectis non vivitur, svavissimum hoc amoris vinculum levi suspicionis aura facile disrumpi potest. Lædit quidem conscientiam, qui pactum non servaverit. Quid vero si animadvertis, connubium hoc non esse legitimum, simulque in memoriam sibi revo-
 cet

cet axioma: quod male juratur, pejus servatur? Huic certe malo medelam non satis validam adferunt leges civiles; siquidem conjugium istud, defientibus requisitis ecclesiasticis ac civilibus, ceu Matrimonium non perfectum sit habendum; quod proinde sine formidine poenae rescindi potest, quoties vel uni vel utriq; conjugum ita videatur. Ex his igitur adparet, quod Matrimonium C. parum omnino differat a concubinatu; quo circa cum hic tam principiis Moralibus (*c*), quam præceptis religionis Christianæ (*d*) repugnet, quid de moralitate conjugii clandestini statuendum sit, ingenuo cuivis expendendum relinquimus.

(*a*) In dem Recht der Vernunft *Libr. V. C. I. §. 108.*

(*b*) Quæ in contrarium partem a WILLEMBERGIO in *Dissert.* cit. §. XXIV. p. m. 318. aliisque Auctoriis pro vindicandis legitimis natalibus liberorum, in Matrimonio C. susceptorum adferuntur exempla, parum omnino nostros turbant circulos. Etenim cum in his casibus conjuges pactum suum sint professi, legitimationemque liberorum a Principe imploraverint, immo curam educationis infantum non subterfugerint; patet, hoc connubium a Matrimonio C. admodum fuisse diversum. Præterea cum liberi in conjugio nuper memorato procreati, ex postfacto & quidem peculiariter quodam privilegio pro legitimis sint declarati; verisimile est, ipsos pro talibus semper non fuisse habitos. Quid? Quod dubitari possit, an omnes promiscue liberi, dicto modo geniti, hoc beneficio fuerint comprehensi. Certe si facultas Matrimonium C. ineundi singulis concedatur civibus, leges Matrimoniales nullius plane erunt usus. (*c*) Vid.

Vid. SCHUBERTI *Libr. cit.* §. 20. in *Schol.* & §. 1482.
aliosque passim Moralistas. (d) Confr. *Job. Iusti BREI-*
THAUPPII Differe. de concubitu a Christo & Apostolis prohibito,
quam propugnaris *Halae* 1715.

§. XII.

Inter cetera, quæ adversarii nostri congerunt,
argumenta, ex vetustis etjam Auctoribus Chri-
stianis probare nituntur; concubinatum olim non
solum toleratum, sed insuper licitum fuisse Princi-
pibus æque ac civibus. Porro a majori ad minus
argumentantes concludunt, Matrimonium C. pri-
mis ac innocentibus seculis nequaquam fuisse pro-
hibitum. Testes producunt CLEMENTEM RO-
MANUM, seu *Auctorem Constitutionum Apostolicarum*
(a) tum *Canonem quendam Concilii Toletani I*, nec
non effatum quoddam AUGUSTINI (b); quæ ta-
men omnia prolixiora sunt, quam ut hic adferri
queant. Vellem sane horum Philosophorum
causa, ne hæc adduxissent testimonia, non quod
multum ipsis insit momenti, sed ne eruditionem o-
stensuri, verecundiæ limites transiliisse videantur.
Breviter interim me expediam. Duo priora effa-
ta, si quid ingenio adsequar, tantum ostendunt,
viros, pellicibus gaudentes, ad usum Sacrae Cœnæ
interdum fuisse admissos; unde tamen non confi-
citur, concubinatum fuisse honestum, cum quic-
quid pro perverso rerum statu ægre toleretur, nec
laudabile, nedum imitatione dignum sit. Augu-
stinus autem connubium vocari posse censet, quan-

do mas & femina, extra statum conjugalem constituti, foedus ineunt solius libidinis extinguendæ causa, modo id ad mortem alterutrius duret; quia tamen opinione nescio an quidquam vel tetrius cogitari vel impudentius dici queat. Legamus igitur veterum scripta, nunquam vero ineptis sententiis, quas apud illos subinde reperimus, vitiis præsidia queramus.

(a) Vid. *Libr. VIII. Cap. 32.* (b) *Constr. Libr. de Bono Conjugali Cap. 5.*

§. XIII.

Matrimonium C. occasionem quoque præbet, vagos seclandi concubitus, illoque admisso tam bi, quam polygamia, quæ plurima secum fert incommoda (a), difficulter evitari possunt. Cum enim in Matrimonio Conscientiæ desiderentur requisita, solemnia scil. ecclesiastica & civilia, quæ leges civiles adeo necessaria ducunt, ut sine his Matrimonium civiliter perfectum haberi nequeat (b); parum omnino impedit, quin hoc connubium dissolvi possit, cum utrique conjugum ita videatur §. XI; immo quoties alterum conjugum tædeat Matrimonii initi. Queratur enim pars læsa de illata injuria ac violata fide data, a quo reparationem damni exspectavit? Magistratus certe opem frustra implorabit, cum leges civiles in foedere connubiali pangendo violaverit. Quare Matrimonium C. facili negotio degenerare potest in Matrimonium ad Tha-

Thalac §. III; quod inter species vagi concubitus est referendum (c).

Præterea docet experientia, quod in Matrimonio contrahendo diversa admodum principia sequantur mortales. Alium enim ad conjugium allicit formæ perquam speciosæ veneratio, aliud cæcus quidam libidinis furor in illud agit præcipitem, aliud denique amplissimus caducæ dotis census seducit. Ponamus igitur, quod A Matrimonium clandestinum cum venusta virgine B contraxerit. Interjecto tempore accidit, ut A videat Phyllida C longe pulchriorem quam B, cujus forma & moribus vehementer capiatur; omnes igitur ingenii nervos intendit, ut consuetudine ipsius C fruatur. Legitimum vero Matrimonium cum C contrahere non audet, ne Amasiam suam B, quæ præcordia ipsius subinde vellicat, adfligat. Proponit igitur Matrimonium C., quod si leges permittant, & persona ipsius A non displiceat, illa vix detrectabit; ignara scilicet, ipsum fidem suam alii feminæ dudum adstrinxisse. Interea vero, dum utriusque B & C benevolentiam & amorem retinere nititur A, dilapidatur patrimonium & opes ejus exhauriuntur. Ut itaque necessariis sufficiat impensis, simile adhuc Matrimonium cum opulenta vidua D contrahit. Videmus igitur, quam difficulter & vagi concubitus & polygamia impediri queant, si Matrimonia C. tolerentur. Quare cum ingenuum quemvis deceat, non solum vitia, sed horum etiam occasiones effugere, sequitur, quod mi-

nus recte vel hoc intuitu faciant, qui Matrimonio C. delectantur.

(a) Vid. G. LANGVAGENI *Dissert. de Jure Positivo Universalis*, Londini Gotb. 1754. ed. §. XVII, nec non J. D. MICHAELIS *Paralipomena contra polygamiam, quae Gottinga A:o 1757. prodierunt.* (b) Confr. P. WIJBERGI *Dissert. de Matrimonio Conscientiae*, Londini Gotb. 1752. editae §. XI. (c) Vid. IELTMANNI *Libr. cit. p. m. 208. seqq.*

§. XIV.

Multa omnino moliuntur vindices Matrimonii C. ne sua placita defendendo in justam bonorum censuram incurvant, aut vagis concubitis obstetricari videantur. Cardo apologiæ ipso-rum in eo vertitur, quod male eos facere existiment, qui Matrimonium quodvis imparium ad species vagi concubitus referant. Verum iste aries demonstrationis nostræ molem non convellit; Iu-brico enim nituntur fundamento, quotquot ex sola conjugum inæqualitate pravitatem Matrimonii C. colligant. Nos igitur non ex mutua conjugum relatione, sed ex perversa mortalium indole ostendimus, Matrimonium C. vagis coitibus ansam præbere. Ex hoc autem labyrintho nova hypothesi expedire conantur dissentientes. Supponunt itaque personas, Matrimonium C. contrahentes, virtutibus totas esse deditas, &, quicquid vitiosum sit, sollicite effugere. Tales autem sunt nostro ævo admodum rarae & si ad conjuges dicto Matrimonio junctos adtendas, nigro similes cygno. Profecto

fecto qui optimarum legum civilium vim eludunt, atque benedictionem sacerdotalem alto fastidiunt supercilios, spem non admodum magnam innoxiae vitæ nobis faciunt. Denique contendunt, indolem Matrimonii C. a natura vagi concubitus toto cœlo esse diversam; cum illud non prius solvatur, quam svavissimum amoris vinculum duræ dissolverint Parcæ. Ita quidem ratiocinantur Philosophi, aliter vero plerique faciunt vertumni. Insuper dictum conjugium inter vagos concubitus non retulimus; sed, posita inconstantia, qualem in hominibus passim deprehendimus, evictum dedimus, quod illud in hos facile degenerare queat.

§. XV.

FEmina quævis ingenua Matrimonium C. sine dispensio bona famæ ac existimationis inire nequit. Etenim bona existimatio est opinio aliorum de vita & perfectionibus nostris; quam fartam tectamque conservamus, quamdiu virtutibus jugiter litemus, amittimus vero, dum vitam regulis justi ac decori minus convenientem degimus. Matrimonium C. autem adeo clanculum initur, ut fœdus connubiale nemini præter personas contrahentes innotescat. Ponamus igitur, feminam elapso quodam tempore liberos parere; certe aut genuinum indicabit patrem, aut aliud insimulabit, aut denique neminem nominabit. Si illud, violat fidem marito pridem adstrictam, arcanam prodendo societatem: si istud, innocentem virum petulanter

lædit; si hoc denique, necesse est contendat, se
obstrictam esse, nemini detegere fœdus cum ma-
rito sancitum. Cum vero meretrix quælibet simi-
le pactum matrimoniale, nunquam revelandum,
crepare & possit & saepe soleat; quicquid in sui
defensionem attulerit memorata conjux, vix ullam
inveniet fidem, sed a plerisque, ceu impudica ex-
plodetur concubina. Læditur autem bona alicujus
existimatio, quando ceteris ansa præbetur conclu-
dendi, quod spes, quam de ipsius conceperant
virtutibus, vana sit & falsa. Quare Matrimonium
C. a femina sine bonæ famæ atque existimationis
dispendio contrahi nequit.

COROLL. Sicut igitur bona fama est præcipuum
vitæ honestæ præsidium; ita apud ingenuos hæc & ipsa
vita pari passu ambulant. Femina præsertim nihil me-
lius, nihilque pretiosius habet castitatis & pudicitia lau-
de. Cum igitur ea sedulo sint effugienda, quæ nos red-
dant imperfectiores (per leg. Nat.); cayendum etiam est,
ne bonæ existimationis jacturam unquam faciamus. Femina
vero, quæ Matrimonium C. init, præceptum adeo salutare
parum curat (per modo demonstr.); adeoque in memora-
tam Naturæ legem peccat, quamvis forte voluptatis præsti-
giis fascinata errorem ac vitium initio non animadvertat.

§. XVI.

NON dubito fore plerosque, Matrimonium C. in
deliciis habentes, qui maculas has eidem ad-
spersas specioso quodam fuco incrustare satagant.
Contendunt igitur bonam feminæ existimationem
hoc

hoc connubio tanto minus re ipsa lœdi, quod in
 conscientia sua plus satis sit convicta, se honestum
 ac certum habere conjugem, cui fidem suam silen-
 tii sacramento dudum obstrinxerit. Argute omni-
 no ista differuntur, sed nec solide, nedum probe
 satis. Bona enim fama non constat opinione,
 quam ipsi de nobis ac nostris perfectionibus cor-
 cipimus, sed nititur maxime illo judicio, quod alii
 de vitæ nostræ institutis ferunt. In matrimonio
 autem clandestino, si solam feminæ confessionem
 se posueris, vix illum est indicium, ex quo mode-
 stiam ejus colligas; quo circa non pro legitima u-
 xore, sed concubina quadam ipsam plerique habe-
 bunt. Ogganniet vero adhuc quispiam, falsis alio-
 rum opinionibus de vitæ nostræ ratione bonam
 famam non lœdi. Concedo omnino, si de teme-
 rariis ac præcipitatis judiciis sermo sit. Ast op-
 nio illa, de qua loquimur, præviis nititur actioni-
 bus, & de harum moralitate ex convenientia vel
 discrepantia earundem a legibus sententia fertur.
 Porro cum clandestinum connubium nec cum legi-
 bus Naturæ §. V, §. XV. Coroll., nedum cum
 legibus civilibus §. VII. convenire intelligent inge-
 nui cives, personis, hoc Matrimonium contrahen-
 tibus, imperfectiones quasdam haud immerito tri-
 buunt, quibus bona eorum fama non potest non
 lœdi. Qua igitur animi tranquillitate in statu hoc
 conjugali permanebit uxor, quæ probe novit, se
 ab omnibus cordatis hominibus propter suas actio-
 nes male audire (*). Denique personis, Matri-
 monio

monio C. junctis semper objici potest: Si coniugium eorum sit honestum, cur celandum, si dishonestum, cur contrahendum?

(*) Confr. omnino *egregium B. Doct. BÆLTERI Sche-
diasma*: At Ögista Personers Fjötsliga bebländelse är en stor
synd. §. 28.

§. XVII.

EX dictis prono, ut dicitur, fluit alveo, quod vir, feminam ad Matrimonium C. seducens, ipsam vehementer lædat. Sollicitat enim uxorem suam ad fœdus, quo bona ipsius fama admodum læditur §§. XV, XVI; adeoque ipsam gravissime lædit. Inter prima autem legis Naturalis præcepta hoc est: neminem læde; igitur qua demum cunque ratione in conjugio clandestino fese gerat maritus, memoratam tamen Naturæ legem migrat.

SCHOOL. Levitatis animi humani insigne documentum nobis sicut Matrimonium C. Scilicet ad mutuum, eundemque tenerrimum, amorem fese obstringunt conjuges. Verus autem amor nunquam non conjunctus est cum intima delectatione ex personæ amatæ perfectione & felicitate; adeo ut ubi ille viget, conjuges mutua commoda libenter promoveant. Sed in Matrimonio C. maritus nec honores, quos posset, uxori confert §. IV, nec bonam ipsius famam eurat, §§. XV, XVI, nec denique ipsam lædere dubitat (per dem.); quare conjugem suam amore parum ordinato prosequitur. Increpet vero quispiam, feminam, dictum Matrimonium contrahentem, tanto minus a marito lædi, quod in

in illud sponte sua consenserit, & volenti non fiat injuria. Pulchrum argumentum, sed quod haud operose convelli potest. Femina enim vel eo non gaudet ingenio, vel futuris conjugii deliciis adeo in transversum agitur, ut non perspiciat singula incommoda, quæ sœdus comitantur; quo circa verisimile est, quod de tali connubio non consensisset, si de moralitate ejusdem rite fuisse informata, aut aliorum consilia petere ac sedato recipere voluisset animo. Deinde non solum ipsa, sed & alii, velut patentes & cognati eius laeduntur, cum femina hæc familia & maculæ & dedeciri sit; quorum igitur respectu violatur præcipuum Juris Nat. præceptum: quod tibi non vis fieri, alteri ne feceris. Vide quæ in arguento non admodum dissimili disputat J. G. HEINECCIUS In Libr. cit. p. m. 151 & 152.

§. XIIIX.

Matrimonium quoq; clandestinum, aliis, quibus tenerior est conscientia, scandalum præbet. Per scandalum enim intelligimus, quicquid alteri occasionem præbere possit peccandi, seu leges transgrediendi. Multiplex autem docet experientia, quod maxima pars mortalium non tam præceptis, quam exemplis, illorum præcipue, qui in honorum fastigio sunt constituti, regatur. Quare si Principes, aliique præstantes viri (his enim facultatem Matrimonium C. ineundi præcipue adserunt, qui illud defendunt,) tali connubio, posthabito legum civilium tenore, delectentur, alii etiam, simili cœstro perciti, legitima Matrimonia omni studio evitarent. Tantis porro exemplis ad vagos concubitus querendos propter similitudinem, quæ his cum Matrimonio C. intercedit §. XI, multi pertentabuntur. Constat igitur propositum.

SCHOL. Hoc iterum loco nos interrumpunt, qui pro Matrimonio C. pugnant, pulchre monentes, Principem, peculiari gratia privato libertatem hoc Matrimonium ineundi couercentem, tanta circumspectione uti debere, quanta requiritur, ne aliis scandalum præbeat hoc negotium. Dicant autem, qualem, qualiter Princeps se se tum geret, explicitaque modos, quibus mala, ex facili legum dilpen-

dispensatione orta, evitari queant. Profecto in quacunque dignitate privatum constitutum singamus, quot ipsum virtutibus ornatum ac quantis meritis gravem concipiamus, uxoris tamen, quacum Matrimonio C. est junctus, crebra puerperia honestos ornes offendent.

§. XIX.

DEnique per Matrimonia C. incesti, quos saniores etiam gentilio um abominatis fuerunt, si non promoventur, difficulter tamen impediuntur. Scilicet Matrimonium C. tacita adeo conjugum scientia constat, ut præter hos nemini innotescat fœdus initum §. III. Tempore quodam præterlapsò suscipiuntur liberi, qui ex fine matrimonii sunt educandi. Cum autem mater non pro dissoluta sed ingenua haberi velit femina, liberos suos domi retinere vix audebit §. IV; quippe ab omni honestate foret remotum, magnum liberorum numerum, quos suos esse agnoscit, sed quorum pater ignoratur, in ædibus suis alere & educare. Quam primum igitur infantes lucem adspexerunt, horum educatio aliorum, & quidem diversarum personarum curæ committitur; ne cum familia numerosior quotannis evadit, matrimonium detegatur, atque parentibus vitio vertatur. Interea varia parentum nomina singuntur, ut ipsi occultius & securius suis indulgeant voluptatibus. Posthac adolescent filii & filiae, mutuoque accendi possunt amore; &, quoniam communem ignorant stirpem, matrimonium contrahunt. Non equidem negamus, quin parentum sit officium, omni ratione impedire, ne incestus committatur. quid vero, si parentes subita morte prius sint extinti, quam liberorum genus indicaverint? Quid si ipsi, adhuc superstites, nullam apud liberos inveniant fidem, sed hi ipsorum testimonia pertinaciter rejiciant, quod nullam eorum curam, saltem minus paternam gesserint, & insuper dicta idoneis comprobare nequeant indicibus? Quid, si liberi variis fortunæ casibus jactati in remotis degant locis, ut parentes nullam ipsorum habeant notitiam? Quid denique, si liberi, genus suum ignorantes, parentum premant vestigia & matrimonium ineant clandestinum? Sicut

porro facile contingere potest, ut parentes, elapsi quodam tempore, nec liberos suos agnoscent, nec hi singulas nutrices suas in memoriam sibi revocare queant; ita vel pater filiam deperire, vel filius matrem conjugio secum jungere potest. Luce igitur meridiana clarius evadit, quod, admissis *Matrimonii Conscientiae*, propter confusionem familiarum inde ortam in plurimos, eosdemque maxime scrupulosos, labyrinthos incident homines.

§. XX.

Rationes contra *Matrimonium C.* in præcedentibus §§. a nobis allatas cum graviter tulerint defensores hujus conjugii, tum gravissime, ut prævidemus, ultimam excipient probationem. Ut igitur turpissem, quam *Matrimonio C.* non poterimus non adstringere maculam, uteunque abstergant, varias commonefaciunt cautelas, in dicta societate rite contrahenda sancte observandas. Itaque juxta ipsorum decreta I:o Personæ disparis solummodo conditionis hoc Matrimonium intrare debent. Cum enim ejusmodi disparitas inter liberos, eisdem parentibus prognatos, vix obtineat, frustra metuitur incestus inter hos conjuges. Multiplex autem docuit experientia, filios, humili loco natos, eximiis in temp publicam meritis ad summos honorum gradus pervenisse, ceteris fratribus & sororibus ad pistrinum veluti damnatis. Fieri igitur facile potest, ut frater, splendida capessens munera, fororem suam venustissimam, infimo tugurio veluti adfixam, depereat, & revera Matrimonium clandestinum cum ipsa contrahat, siquidem neuter conjugum genus suum sibi fatis habet perspectum. Illo Ut legibus civilibus sua maneat auctoritas, utque incestus eo melius evitari queat, monent dissentientes, *Matrimonium C.* a nemine ineundum, nisi qui singularem Principis yugiam ante obtinuerit (a). Optandum sane hoc esset; sic enim paucissima conjugum clandestinorum forent exempla. Hæc autem ratio dictum ineundi *Matrimonium*, ipsam conjugii hujus indolem plane pervertit. Princeps enim impediturus, ne

clamantia peccata, quorum incestus merito refertur, inole-
scant, desideratam concedere nequit veniam, nisi genus u-
triusque sibi cognitum reddiderit. Audiendi igitur sunt pa-
rentes ac cognati, adcurateque est inquirendum, an impe-
dimentum quoddam morale votis harum personarum obstat.
Dum vero haec moliuntur, non possunt non plures noticiam
hujus matrimonii consequi, ac proinde conjugium clandesti-
num nec est, nec dici potest. Taceo Principem, de sancti-
tate legum suarum sollicitum, vix cuiquam petiam dispensa-
tionem concessurum. Reliquarum cautelarum examini immo-
rari nec vacat, nec lubet; quippe quæ si ad vivum refecen-
tur adeo inepta sunt, ut locum non inveniant nisi forte in
imaginaria quadam Platonis republica.

(a) Confr. WILLEMBERGII Dissert. cit. §. XXXVIII. p. m. 329.

§. XXI.

Brevi bine anacephala eos colligimus, quod Matrimonium con-
scientia salva conscientia iniri nequeat. Talis enim est
Matrimonii hujus indoles, ut legi naturæ non facis con-
veniat §. V. & Coroll. §. VII, atque conjuges violent legis
hujus præceptum, de nemine laedendo §§. Coroll. XV. XVI,
XVII. Deinde transgrediuntur etiam leges Divinas positi-
vas §. VI, hisque consonas leges civiles politiorum genti-
um §. VII, nec non regulas præceos, in Ecclesia DEI pri-
dem receptæ, §. X. Denique hoc connubium scandalum
præbet §. XIIIX. atque gravissimis vitiis & flagitiis latam
pandit portam §§. XI, XII, XIII, XIV, XIX, XX. Qua-
re cum quilibet actio legibus sive Divinis sive huma-
nis repugnans, laedat conscientiam §. II; Matrimonium uti-
que conscientiæ salva conscientia iniri nequit. Q. E. D.